

VENDIM
Nr. 34, datë 15.7.2015

**PËR SHPËRNDARJEN E FONDIT PËR PROGRAMIN UJËSJELLËS-KANALIZIME,
SHPLLJEN E THIRRJES PËR APLIKIME PËR PROGRAMIN E UJËSJELLËS-
KANALIZIMEVE SI DHE NJË NDRYSHIM NË VENDIMIN NR.20, DATË 16.3.2015, TË
KOMITETIT PËR ZHVILLIMIN E RAJONEVE**

Në mbështetje të nenit 100 të Kushtetutës dhe të nenit 15 e të aneksit 3, të ligjit nr.160/2014, datë 27.11.2014, “Për buxhetin e vitit 2015”, Komiteti për Zhvillimin e Rajoneve

VENDOSI:

1. Shpërndarjen e fondeve për projekte të programit ujësjellës-kanalizime, pjesë e Fondit për Zhvillimin e Rajoneve për vitin 2015, specifikuar sipas tabelës 1, bashkëlidhur këtij vendimi.

2. Autoritetet kontraktuese, projektet e të cilave miratohen për t'u financuar, sipas pikës 1, të këtij vendimi, brenda një jave nga data e publikimit të tij në “Fletoren zyrtare”, duhet të paraqesin pranë sekretariatit teknik, në Ministrinë e Transportit dhe Infrastrukturës, kalendarin me të gjitha afatet e parashikuara për fazat e prokurimit publik e të zbatimit të punimeve të ndërtimit e përdorimit të fondeve, si dhe emrin e personit përgjegjës për ndjekjen e zbatimit të punimeve.

3. Autoritetet kontraktuese, për projektet sipas pikës 1, të këtij vendimi, duhet të kryejnë procedurat e prokurimit publik dhe të lidhjes së kontratës përkatëse për zbatimin e punimeve të ndërtimit deri në fund të tremujorit të dytë të vitit 2015. Për fondet e projekteve të paprokuruara sipas këtij afati, Komiteti për Zhvillimin e Rajoneve ka të drejtën për të rishqyrtuar financimin dhe për të rishpërndarë fondet e këtij financimi për një projekt tjetër.

4. Ngarkohet sekretariati teknik, në Ministrinë e Transportit dhe Infrastrukturës, të kryejë monitorimin dhe raportimin e ecurisë së zbatimit të projekteve, pranë Sekretariatit të Përgjithshëm të Komitetit për Zhvillimin e Rajoneve, në Kryeministri, sipas kalendarit të paraqitur nga autoritetet kontraktuese, në përputhje në pikën 3, të këtij vendimi.

5. Shpalljen e thirrjes për projekte të programit të ujësjellës - kanalizimeve, pjesë e Fondit për Zhvillimin e Rajoneve për vitin 2015. Kjo thirrje për aplikim përfshin projekte për zonat bregdetare.

6. Aplikimi për fonde për financimin e projekteve në programin e ujësjellës -kanalizimeve, sipas pikës 5, të këtij vendimi, bëhet sipas kalendarit të dhënë në shtojcën I, bashkëlidhur këtij vendimi. Institucionet aplikuese janë njësitë e qeverisjes vendore e partneritetet rajonale, si edhe agjencitë zhvillimore. Aplikimet për projektet dërgohen sipas formatit model të përdorur për aplikim.

7. Shqyrtimi për financim bëhet për projektet e aplikuara, sipas kalendarit të dhënë në shtojcën I, bashkëlidhur këtij vendimi. Procedura e vlerësimit kryhet pranë sekretariatit teknik përkatës, në Ministrinë e Transportit dhe Infrastrukturës, si dhe pranë Sekretariatit të Përgjithshëm të Komitetit për Zhvillimin e Rajoneve, në Kryeministri, sipas kritereve të përcaktuara.

8. Në tabelën nr.1, “Për shpërndarjen e financimit për projektet në vazhdim për nënprogramin e ujësjellës - kanalizimeve”, që i bashkëlidhet vendimit nr.20, datë 16.3.2015, të Komitetit për Zhvillimin e Rajoneve, bëhen ndryshimet sipas tabelës 2, bashkëlidhur këtij vendimi.

9. Ngarkohen ministri i Transportit dhe Infrastrukturës, ministri i Financave dhe Sekretariati i Përgjithshëm i Komitetit për Zhvillimin e Rajoneve, në Kryeministri, për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYETAR
Edi Rama

	TOTALI	230,819,018	123,303,853	81,141,222	26,373,943
--	---------------	--------------------	--------------------	-------------------	-------------------

SHTOJCË I: KALENDARI ME AFATET E APLIKIMIT DHE VLERËSIMIT TË PROJEKTEVE

Afati	Institucioni përgjegjës	Aktiviteti
Botimi në “Fletoren zyrtare”	Komiteti për Zhvillimin e Rajoneve	Hapja e thirrjes për projekt-aplikime për financimin e projekteve në programin e ujësjellës - kanalizimeve
Jo më vonë se data 30 gusht 2015	Aplikuesit sipas pikës 6, të këtij vendimi.	Dërgimi i aplikimeve nga aplikuesit, si më poshtë vijon: 1. Aplikimi me shkresë zyrtare (postë ose dorazi), ku dosja e plotë e aplikimit dërgohet pranë sekretariatit teknik përkatës, si më poshtë vijon: a) Ministria e Transportit dhe Infrastrukturës për projektet e ujësjellës – kanalizimeve. 2. Shkresë zyrtare drejtuar Sekretariatit të Përgjithshëm për Zhvillimin e Rajoneve, me njoftimin dhe listën e projekteve të aplikuar, të renditura sipas prioritetit.
1 (një) ditë nga mbyllja e aplikimit	Sekretariati teknik përkatës	Vlerësimi teknik e financiar i projekteve të aplikuar, sipas shkronjës A, shtojca III.
	Sekretariati teknik përkatës	Sekretariati teknik paraqet zyrtarisht pranë Sekretariatit të Përgjithshëm listën e projekteve me vlerësimin përkatës teknik dhe financiar.
1 (një) ditë nga përfundimi i vlerësimit nga sekretariati teknik	Sekretariati i Përgjithshëm i KZHR-së (Njësia e Bashkërendimit të Programeve dhe Planifikimit Strategjik)	Vlerësimi i përputhshmërisë me strategjitë përkatëse kombëtare, sipas shkronjës B, shtojca III.
	Sekretariati i Përgjithshëm i KZHR-së (Njësia e Bashkërendimit të Programeve dhe Planifikimit Strategjik)	Përgatit materialet për vendimmarrje për Komitetin për Zhvillimin e Rajoneve
1 (një) ditë nga përfundimi i vlerësimit nga Sekretariati i Përgjithshëm	Komiteti për Zhvillimin e Rajoneve (KZHR)	Vendimmarrje në lidhje me projektet për t'u financuar, nga thirrja e financimit për projekte të ujësjellës-kanalizimeve.

Shënim – Procesi i vlerësimit

1. Vlerësimi i projekteve të aplikuar kryhet në dy faza. Faza e parë përbën vlerësimin teknik dhe financiar të projekteve, sipas kalendarit të dhënë në shtojcën 1, bashkëlidhur këtij vendimi. Vlerësimi teknik dhe financiar i projekteve, sipas kriterëve teknike të përcaktuara në shtojcën III, bashkëlidhur vendimit, kryhet nga sekretariati teknik për projektet e ujësjellës - kanalizimeve, të ngritur pranë Ministrisë së Transportit dhe Infrastrukturës.
2. Sekretariati teknik i paraqet zyrtarisht Sekretariatit të Përgjithshëm të Komitetit për Zhvillimin e Rajoneve, sipas afateve të përcaktuara në shtojcën I, bashkëlidhur këtij vendimi, listën e plotë të projekteve me vlerësimin përkatës, të bërë sipas kriterëve të përcaktuara.
3. Faza e dytë e vlerësimit të projekteve bëhet sipas afateve të përcaktuara në shtojcën I, të këtij vendimi. Gjatë kësaj faze, Sekretariati i Përgjithshëm i Komitetit për Zhvillimin e Rajoneve kryen vlerësimin përfundimtar të projekteve, bazuar në kriteret e përcaktuara.

SHTOJCË II: FORMATI I APLIKIMIT

Aplikuesi (*)	Të vendoset emri i institucionit aplikues: autoriteti i qeverisjes vendore (qarqet, bashkitë, komunat), agjencitë e zhvillimit dhe shoqëritë Sh.A
---------------	---

	“Ujësjetllës-Kanalizime.
Data e aplikimit (*)	
Titulli i projektit (*)	
Lloji/sektori i projektit (*)	Të përcaktohet cili është sektori ku bën pjesë projekti (Pyllëzim-gjelbërim, Ujësjetllës-Kanalizimet)
Nësektori i projektit (*)	Të përcaktohet nësektori i projektit
Data e fillimit të projektit (*)	
Data e mbarimit të projektit (*)	
Përshkrimi i projektit (*)	Të bëhet përshkrim i detajuar i projektit të propozuar, duke përmbajtur informacionin e mëposhtëm, por jo vetëm: - Vendodhja e objektit, territorit ku do të ndërmerret investimi; - Përshkrimi i kushteve si dhe nevojës për këtë projekt; - Përshkrimi i punimeve/ndërrhyrjeve në struktura ekzistuese apo të reja; - Kush janë problemet që ky projekt adreson dhe shkalla e ndikimit; - Risqet për zbatimin e tij, etj. - Informacioni i dhënë është sipas kritereve mbi bazën e të cilave do të vlerësohet projekti.
Qëllimi dhe objektivat (*)	Të paraqitet qëllimi i përgjithshëm i projektit si dhe objektivat specifike të tij.
Numri i përfituesve (*)	Të jepet numri i popullsisë që përfiton drejtpërdrejt dhe tërthorazi nga zbatimi i projektit në total. Vlera e dhënë të shoqërohet me shpjegim për seicilën kategori përfituesi.
Rendi prioritar (*)	Në rastet e aplikimit të më shumë se 1 projekti, renditni projektet sipas prioritetit/nevojës për ndërhyrje (numri 1 për shumë prioritar, numri 2 për më pak prioritar, e kështu me radhë).
Qëndrueshmëria e projektit (*)	Të përshkruhet në mënyrë analitike, nëse aplikuesi do të ketë nga ky projekt: - Kosto për mirëmbajtjen e projektit, pas zbatimit të tij; - Nëse po, specifikoni sa parashikohen, si do të sigurohen financimet, etj.
Fondet e kërkuara nga Fondi për Zhvillimin e Rajoneve (*)	Në rast se projekti nuk ka bashkëfinancim nga NJQV-të apo nga donatorë, kostoja që kërkohet është e njëjtë me koston totale të projektit.
Kontributi në rast bashkëfinancimi nga njësisia e qeverisjes vendore	
Financim nga donatorë	Nëse ka financim nga donatorë
Financime të tjera	Nëse ka burime të tjera financimi
Kostoja totale e projektit (*)	
Projekti ka një analizë kosto-përfitim të cilësisë së mirë (Opsionale)	Po/Jo
Përmbledhje e analizës kosto-përfitim	Të paraqitet një përmbledhje e shkurtër e analizës kosto-përfitim, nëse ka një të tillë
Projekti ka një vlerësim të ndikimit në mjedis të cilësisë së mirë (Opsionale)	Po/Jo
Përmbledhje e vlerësimit të ndikimit në mjedis	Të paraqitet një përmbledhje e shkurtër e vlerësimit të ndikimit në mjedis, nëse ka një të tillë
Përshkrim për gatishmërinë e projektit për zbatim (*)	Të përshkruhet nëse projekti është gati për zbatim (pra nëse i disponon të gjitha dokumentet që nevojiten për zbatimin e tij) dhe koha kur mund të fillojë dhe përfundojë procedura e prokurimit publik dhe kur mund të fillojë dhe përfundojë zbatimin i punimeve
Dokumentat e miratimit të projektit nga Njësia e Qeverisjes Vendore (*)	Të paraqiten dokumenta për të vërtetuar nëse projekti: Ka Vendim të Kryetarit të njësisë së qeverisjes vendore për miratimin e projektit; - Ka Vendim të Këshillit të njësisë vendore (komunës/qarkut/bashkisë), për miratimin e zbatimit të projektit; - Është përfshirë në listën e miratuar nga Këshilli i njësisë vendore për financim (kur është parashikuar bashkëfinancimi); - Është në listën e projekteve/nevojave të parashikuara, nga Ministria e Mjedisit (pyllëzimi-gjelbërimi). - Është në listën e projekteve/nevojave të parashikuara, nga Ministria e Transportit dhe Infrastrukturës (ujësjetllës-kanalizimet). - Për të gjitha rastet e sipërpërmendura të cilësohet numri dhe data e miratimit të vendimit, si dhe të bashkangjitet një kopje e vendimit/dokumentave të tjerë.
Planifikimi vendor, ndërvendor, rajonal (*)	Të paraqitet dhe të specifikohet nëse projekti është: - pjesë e strategjisë vendore (të bashkisë apo komunës) - pjesë e një masterplani kombëtar; - pjesë e strategjisë së zhvillimit të qarkut - pjesë e planeve të investimeve kapitale të njësisë së qeverisjes vendore - pjesë e një plani zhvillimor strategjik (të specifikohet se ç’lloj plani)

	Për të gjitha rastet e sipërpërmendura të cilësohet viti i miratimit të dokumentit strategjik apo planit, si dhe të citohet dokumenti
Dokumentet teknike (*)	Të sqarohet nëse projekti përmban: - projektin teknik - preventivin - argumentimin teknik - përlllogaritje/parashikim të kostove të mirëmbajtjes së investimit

(*) Fushat që kanë * janë të detyrueshme për t'u plotësuar.

SHËNIM: Dërgimi i Aplikimeve, sipas afatit:

1. Aplikimet për projekte duhet të dërgohen:

- Online në faqen elektronike: www.dsdc.gov.al, si edhe

- Me shkresë zyrtare (postë), së bashku me dosjen e plotë të aplikimit pranë sekretariateve teknike për projektet e pyllëzimit-gjellbërimit dhe ujësjellës-kanalizimeve, të ngritur pranë Ministrisë së Mjedisit (MM) dhe Ministrisë së Transportit dhe Infrastrukturës (MTI).

2. Përvec aplikimit si më lart, institucionet aplikuese duhet t'i dërgojnë një shkresë zyrtare Sekretariatit të Përgjithshëm për Zhvillimin e Rajoneve, pranë Këshillit të Ministrave. Shkresa zyrtare përmban njoftimin për dërgimin e aplikimit pranë sekretariateve teknike (MM, MTI) dhe listën e projekteve të aplikuara. Projektet e aplikuara duhet të jenë të renditura sipas prioritetit që i ka dhënë institucioni aplikues.

SHTOJCË III: KRITERET E VLERËSIMIT TË PROJEKTEVE

Pika A. Kriteret e Vlerësimit Teknik dhe Financiar

Këto kritere përdoren nga sekretariatet teknike për të vlerësuar teknikisht projektin dhe në bazë të tyre kryhet vlerësimi maksimalisht me 70 pikë i një projekti.

Kriteret 1 dhe 2 detajohen në nënkriteret përkatëse teknike, nga sekretariati teknik për projektet e ujësjellës-kanalizimeve, i ngritur pranë ministrisë së Transportit dhe Infrastrukturës.

Kriteret teknike për vlerësimin e projekteve janë, si më poshtë vijon:

1. Cilësia teknike dhe vlerësimi financiar i projekteve të propozuara nga njësitë e qeverisjes vendore, agjencitë e zhvillimit dhe shoqëritë Sh.A “Ujësjellës-Kanalizime”. Përmes këtij kriteri vlerësohet nëse, projekti që do të financohet, ka:

- Projekt teknik, të detajuar saktë dhe qartë, (harta, gentplane, etj.), dhe
- Preventiv dhe kostim të projektit, të përpiluar dhe vlerësuar saktë nga institucioni aplikues, sipas çmimeve të referencës në buletinët e përditësuar, etj., Sekretariati teknik, pranë ministrisë së Transportit dhe Infrastrukturës, ngarkohet të kryej rishikimin financiar të kostimit dhe preventivave të projekteve me potencial, të paraqitura nga institucioni aplikues, sipas buletineve të çmimeve, kostove referencë etj., si dhe të pregatisë raportin e vlerësimit financiar të tyre dhe rekomandimet përkatëse.

Vlerësimi teknik e financiar do të bëhet me pikë nga 0 deri maksimalisht 25 pikë.

2. Niveli i ulët i riskut për zbatimin e projektit, bazuar në elementë të përshkrimit të projektit që orientojnë mbi riskun e mundshëm në prokurimin publik, zbatimin me sukses të projektit dhe përdorimin në kohë të fondeve publike.

Vlerësimi i nivelit të ulët të riskut vlerësohet me 0 deri maksimalisht 10 pikë.

3. Niveli i ndikimit të projektit, sipas komponentëve të mëposhtëm:

- në më shumë se një njësi vendore, bazuar në faktin, që projekti i investimit përfaqëson interesat e më shumë se dy njësi vendore. Kriteri inkurajon ato projekte që prekin më shumë se një njësi vendore, një numër më të madh, si dhe në konsolidimin e sistemeve të ujësjellës-kanalizimeve të zonave apo qarqeve të ndryshme. Për këtë komponent vlerësimi do të bëhet me pikë nga 0 deri 5 pikë.

- në shërbimet bazë, cilësinë e jetës, mjedisit, shëndetit, në përmirësimin e perspektivës për punësim dhe përdorimit dhe zhvillimit të aftësive. **Për këtë komponent vlerësimi do të bëhet me pikë nga 0 deri 5 pikë.**

Totali i pikëve të vlerësimit për nivelin e ndikimit shkon nga 0 deri në 10 pikë.

4. Niveli i bashkëfinancimit nga njësitë e qeverisjes vendore apo fondet e donatorëve. **Vlerësimi do të bëhet me pikë nga 0 deri në maksimalisht 5 pikë.**

5. Numri i përfituesve në mënyrë të drejtpërdrejtë dhe/ose të tërthortë nga projekti. Vlerësimi sipas këtij kriteri kryhet në varësi të numrit të popullsisë, komuniteteve që përfitojnë në mënyrë të drejtpërdrejtë dhe/ose të tërthortë, nga zbatimi i këtij projekti. **Vlerësimi do të bëhet me pikë nga 0 deri maksimalisht 10 pikë.**

6. Analizat apo studimet që janë kryer në lidhje me projektin, si studimi i ndikimit në mjedis, analiza kosto - përfitim, studimi i fizibilitetit të projektit etj. **Vlerësimi do të bëhet me pikë nga 0 deri maksimalisht 5 pikë.**

7. Qëndrueshmëria e investimit nga projekti, që lidhet me faktin nëse janë parashikuar kosto mirëmbajtjeje për projektin në vazhdimësi, të cilat do të merren përsipër nga institucioni aplikues. **Vlerësimi do të bëhet me pikë nga 0 deri maksimalisht 5 pikë.**

Pika B. Kriteret e Vlerësimit të Përputh-shmërisë

Përdoren nga sekretariati i përgjithshëm për të kryer vlerësimin e projektit nga pikëpamja e të qenit projekt prioritar në nivel vendor, ndërvendor apo rajonal, duke vlerësuar një projekt me **maksi-malisht 30 pikë**, sipas kriteve në vijim:

Shkalla e përputhshmërisë me përparësitë /strategjitë vendore dhe/ose të zhvillimit të nivelit rajonal dhe ndikimi në zhvillimin lokal /rajonat/kombëtar. **Vlerësimi për këtë kriter përfshin nga 0 deri në maksimalisht 15 pikë.**

Shkalla e ndikimit në zhvillimin social në qendrat kryesore të rajonit, qarkut, që paraqet projekti. **Vlerësimi për këtë kriter përfshin nga 0 deri në maksimalisht 15 pikë.**